

133

Oló Hiaⁿtī chi Ài

(Tabít ê peh kiā'á ê si.)

- 1 Khòⁿ ah, hiaⁿtī hôbók chòhóe khiākhí,
sī hôténg ê bíhó, hôténg ê khoàilók!
2 Che ná chhinchhiūⁿ sī kùikhì ê iú tó tī thâukhak
téng,
lâu kàu chhùichhiu, tòh sī Alông ê chhùichhiu,
koh lâu kàu i ê saⁿ'áki.
3 Che mā ná chhinchhiūⁿ sī Helmóng ê lôchúi lóh
tī Si'óng soaⁿ;
inūi SiōngChú tī hia ū èngún beh sù hok,
tòh sī siúⁿsù éngseng.

133

Oló 兄弟之愛

(大衛 ê peh 崎 á ê 詩。)

- 1 看 ah, 兄弟和睦做伙 khiā 起,
是何等 ê 美好, 何等 ê 快樂!
2 這 ná 親像是貴氣 ê 油倒 tī 頭殼頂,
流到嘴鬚, tòh 是亞倫 ê 嘴鬚,
koh 流到伊 ê 衫 á 裾。
3 這 mā ná 親像是黑門 ê 露水落 tī 錫安山;
因為上主 tī hia 有應允 beh 賜福,
tòh 是賞賜永生。